



UNIVERSITÄTS-
BIBLIOTHEK
PADERBORN

Baldvini Cabilliavi E Soc. Iesv Magdalena

Cabilliau, Baudouin

Antwerpen, 1625

LXXII. Lacrymis iram Numinis placat Magdalena.

[urn:nbn:de:hbz:466:1-70461](https://nbn-resolving.org/urn:nbn:de:hbz:466:1-70461)

Pænè graues leti sopor opprimit improbus artus:
 Sed propè labentem sustinet acer Amor;
 Inque pedes animo linquentem surrigit. eheu!
 Lapsa, relapsa labat pectore semianimi;
 Aspergitque (calix ut tum propè stabat) aceto,
 Cui nondum cruciæ fella remissa necis.
 Tum demum sua mens rediit, rapidusque cu-
 currit
 Ima per ossa calor, serpsit in ora color;
 Abrupta que gemens geminat, geminatque que-
 relas,
 Inferia que parat officiosa Deo.
 Antè tamen mortis scrutatur obitque latebras,
 Diues ut inde suas eruat augur opes:
 Exploratque, sibi vitæ quod spondeat omen,
 Qui flagrat in gelido funere viuus Amor.

L X X I I.

Lacrymis iram Numinis placat

MAGDALENA.

OBVIA quid spectas ardentem Magdala
 IESUM?

Tunc pati tantam parua fauilla facem?
 Hinc iubar an speras? nimbosum sidus ab isto
 Sole tonat; flammæ sed sine nube tonat:
 Inflamatque minas: nec enim sedet vlla To-
 nanti

Cura prior, iustas quam properare faces;
 Vindicibusque rogis atras exurere noxas:
 Et piceum obiectas noxia tota caput?
 Mille rubet circum flammæ, flammantque tribunal
 I. 7 Igni-

Igniuomum: & spectas bis rea facta Deum?
 Hoc oculo (nescis?) ferali luce cometes
 Fulgurat, vnde necis conscia signa flagrant.
 O miseram! quæ cura tuæ nunc prima salutis,
 Quæve secunda? tuæ num data porta fugat?
 In quascumque voles caput anxia conde la-
 tebras;

Deprensa in medio crimine semper eris.
 Quid facies? sæuis tot Vindicis ignibus, cheu!
 Vrimur. Ultorem vicimus, inquit Amor.
 Vicisti lacrymis placabile fulmen I E S V:
 Quod modò triste iubar, lampas Amoris erit.

L X X I I I.

CHRISTVS *spiritali nardo vngit*
 MAGDALENAM.

Quò tibi flos myrrhæ? quò nardus amica
 corollis,
 Quò tibi munificâ balsama fusa manu?
 Quò tibi ros oleæ, pingui qui nubit amomo,
 Quemque Cilix flavâ dote maritat odor?
 Vngere vin' CHRISTVM? non illi vespera
 vitæ

Incubat, aut ægro corpore vita fugit.
 At tu putre cales viuaci morte cadauer,
 Quam scelus & febris noxia mœror edit.
 Tange manu venam, mors incubat ignea pectus!
 Et dotes medicas morbida tota geris?
 Eia, crocum myrrhamque tuo transcribe Ma-
 gistro:

Ille salus medicum *Xeisôs* in vnguen abit.
 Relli-